



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-232329
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/199 | Churachandpur | email : hmasawnnatharnews@yahoo.com | Phone: +91-3874-236846 | Rs 6/- per copy

Pu Lalruot Ralsun Certificate of Distinction in hlan



CCPUR: Pu Lalruot Ralsun, Headmaster in-charge, Parbung Govt. H/S, Parbung Tipaimukh Block, Churachandpur district chun May 6, 2017 kha Maharaja Narasingh Memorial Committee, Imphal chun Certificate of Distinction le Award sumfaiin Rs. 5,000/- in hlan a nih.
Hi Chawimawina Certificate hi Sagolgan Mabudhou Mantri Leikai, Imphal, a Maharaja Narasingh piengchampha wawi 225 in hlan a nih.
Directorate of Education (S), Government of Manipur in Teaching

Hmasawanna inkhuongruollo chu hmasawanna tak an nawh: CM Chrachandpur le Pherzawl District Review Meeting nei vat ta ding

CCPUR: "Ka sawrkär thiltum pawimaw hmasatak chu phairam le tlangram inkhuongruollo taka hmasawna (develop) ani a. Hmasawanna inkhuongruolnaw chu hmasawanna tak an nawh" tiin Chief Minister Mr N. Biren Singh chun a hril. Hi thu hi Inrinnia Lamka Press Club-a MHJU le Editors' Guild Manipur han an buotsai Seminar "Communal Harmony: Bridging the Gap" ti a hawng huna a hril a nih.
Politics a lut hmaa Journalist, Nahorolgi Thoudang Editor sin kum tamtak lo thaw tah CMMr N. Biren Singh chun, Manipur chun hnam hnan hnan 30 neka tam umna a nih leini 'mini-India' ti thei a nih a. Ei reng a inthurool taka ei um tlang diel diel hi ei hräna ding a nih. Chutaka dinga pawimawtak chu chanchinbumi Journalist (Media) hai hi an nih. Khawvel insawrkarna fe dana a ban palina (Fourth Estate) a nih bākah sawrkär khawm thieka a nuom chun tungding thei a ni a. Inremna siemtum ding khawna a pawimawtak a nih" tiin a hril.
CCPur khawm hnam hnan hnan um khawna a nih leini "mini-Manipur" a ni thu hriilin. Ni kum laia



liena ding boruok siem khawm pawimaw" tiin a hril.
Tlangram le phairam hmasawanna a khuongruollo theina ding in tlangram district haia thil tung "thirlitna" (review) meeting nei pei a tum thu le. Tamenglong le Chandel district a nei tah a, sawntawte ah CCPur le Pherzawl district hai khawm a nei ding thu a hril. A sawrkär chun Special Plan neiin ni 100 sunga sukpuiting ding bik scheme hnan hnan induongfel a ni tah thu khawm a hril baw.
Hi baka hin pawl hnan hnan hnan Memorandum an pekluthai chu a thei tawpa bawziin sukpuiting wawng a tum ding thu a hril baw a. MHJU Press Club-a building thar bawl ding khawm a

an siem ang khin ei siem ve thei a nih" tiin a hril.
Department of Information & Public Relations (DIPR) sponsored le DC Churachandpur-in a thlawp Seminar-ahin CM, Mr N. Biren Singh, Chairman, Hills Area Committee, Mr T.T. Haokip, Parliamentary Secretary (MAHUD), Mr N. Indrajit Singh, Parliamentary Secy. (H& FW), Mr S. Subhashchandra Singh, Parliamentary Secretary (IFCD) Mr L.Rameshwor, M L A (Singat) Mr Ginsuanhau, M L A (Thanlon) Mr Vungzagin Valte, Commissioner, IPR, Mr K. Radhakumari, DC, CCPur, Mr R. Sudhan, President, Manipur Hills Journalist Union, Mr Sothing Shimray le President, Editor's Guild Manipur, Mr A. Mobsi hai chu Guests of Honour le Functional President an nih.
Technical session ah Mr A. Mobsi moderate-na hnuoiakh tlangram district hnan hnan haia harsatnahai le thi dang dang hmasawna theina ding thilhai hrlitlang a nih a. Mr H. Doungel, Mr Ramkung Pamei, Dr Ibomcha, Mr Sothing Shimray le Mr Peter Adani hai resource person an nih.

CHANCHIN LAKTAWI IDU le PLHIV hai ta dingin free screening

CCPUR: May 9, 2017, 10AM khin LRRCC, Drop-in Centre, New Bazar-ah Community Organization for Network and Empowerment) huoihawtnain Awareness cum Free Screening of Hepatitis (HCV) for Injecting drugs User (IDU) & People Living with HIV (PLHIV) um a tih.

Saikawt WhatsApp group in Dustbin an thawlamm: HMARTOB in lawmthu a hril



CCPUR: Saikawt, CCPur hmuna Hmar Martyrs Trophy football tournament fe mekah entu mipui han fakthei le thil dang dang an fakna Field le a sevel haia thang neng nunga um chu a ngaimaw leini Saikawt News WhatsApp Group chun inkhel entu mipui hai hman dingin Dustbin 44 zet an thawlamm a. Dustbin hai hi Saikawt VA kuta khawtlang hman dingin an in hlan a. Dustbin hai hi zanita inthawk khaan hman tan ngal a nih.
Martyrs' Trophy Football Tournament 2017 fe meka football inkhel

Assam Rifles Ex-Servicemen Rally nei



CCPUR: Assam Rifles, CCPur Sector huoihawtnain May 6, 2017, 9:00AM a inthawk khaan DTC, Tuibong, CCPur-ah Assam Rifles Ex-Servicemen Rally nei a nih. Hi huna hin Churachandpur le Bishnupur District haia inthawk Assam Rifles pensioner mi 200, Assam Rifles thang laizing an pasal han an thisan hmeithai 45, ral kuta thi Veer Naris 2 hai bakah V. Hangkhanlian, Minister, Agriculture, Vety & Animal Husbandary, Govt. of Manipur; Brigadier Ajay Kumar, CO, 27-Sector Assam Rifles; Khaipao Haokip, Chairman, ADCC; Col. Sanjay Kumar, CO, 25-Assam Rifles han an uop. Anni baka hin Council members hai khawmin an uop baw.
Ex-Servicemen Rally nei huna hin ram ta dinga hringna lo in hlan ta hai le pension chena sin thaw hai chawimawina le inzana, Khuolliena thang Pu V.

Dy CM-in DBT ngirhmun a enfel

IMPHAL: Dy Chief Minister Mr Y. Joykumar Singh chun State sunga financial inclusion scheme chi hnan hnan hlena um mek, abikin Direct Benefit Transfer (DBT) Scheme hnuoia program hai enfelna Inrinnia khaan Manipur Secretariat Conference Hall ah mawphurna cheltuhai thil umdan a enawnpui. DBT thua harsatna chi hnan hnan department-in an tuokhai le technical thilhai hrlitlang a nih.
Rural Development, Social Welfare, Tribal Affairs & Hills le School Education department head hai chun, DBT cent-percent hlen a ni theina ding le beneficiaries hai an Mobile Phone number le Aadhar number link wawng dan ding hai an hrlitlang.
Direct Benefit Transfer (DBT), mani bank account sengah paisa a lut theina dingah tlangram bank um nawnka le internet um nawnahai ah harsatna tamtak a um leini Bank thuneituhai chu a tam thei ang tak bank hawng dingin Dy CM chun a ngan a. Stakeholder hai po po an thangruol chun, bank hai hawng a ni theina ding a ni phawt chun infrastructure le communication hai khawm a pawimaw le tul ang angin sawrkarin a thawpui ding thu a hril.
Bank um nawnahai a bank hawngna ding thu le inzawmin, Commissioner Finance Mr VK Dewangan chun, state-a bank um nawnka Block 32 a Block 21 ah Bank hawng dinga hma lak mek a ni thu a hril a. Hienghai laia Block pali - T. Vaichong, Phungyar, Nungba le Sangaikot haiah chu June a inthawkin hman thei ning an ta, a danghai khawm sawntawte ah hawng an ni vat tah ding niin a hril. Official hai chu Bank account le Mobile Number le Aadhar number hai link zofel vat dingin an hrlitlang baw.
March 31, 2017 chena Bank account hawng ta po chu 26,85,430 a nih a. Aadhar number le link tah chu 10, 38, 895 a nih a. Social Welfare department hnuoia scheme chi hnan hnan hana beneficiary 1, 23, 599 hai laka mi 2, 370 chu an bank account hai la pelut/ report lo an nih tah niin a hril baw.

Missionary Day Chawl

Vawisun hi Missionary Day an ni leini MHJU chun Chawl a puong a. Hi lei hin vawisun hin MHJU hnuoia um Tuolsung Chanchinbu Office-hai khar ning a tih.
Missionary Day chawl lei hin Hmasawanna Thar thangsain tuolsung nitiin Chanchinbuhai May 8, 2017 in hung suok naw nihai.
-Editor & Publisher Hmasawanna Thar Daily

Art & Culture hmasawanna dinga hma lak

IMPHAL: Art & Culture Minister Mr L. Jayantakumar Singh chun, Art & Culture hma a sawn hrät theina dinga thei tawpa hma lak a nuom thu a hril. Shri Bal Mukunda Dev Music College, Palace Compound, Imphal 55th Foundation Day an lawma huna khuollien anga thu a hriina chun, music hin ramri nei lovin mihai lungri la ah thu a hril hlaak niin a hril.
Manipur-a ei culture le tradition upa tak tak hai pholangtu chu Folk Music le Traditional Music hai hi an nih a. Musician hai chu research thawa ei state-a traditional music le cultural music tha tak takhai sukchangkang pei tum dingin an fui tawl baw.

Tipaimukh Mandal BJP in Memorandum an pek

CCPUR: May 6, 2017 nia MHJU Press Club, CCPur hmuna Manipur CM a hung huna khaan Tipaimukh Mandal, BJP chun Manipur CM N. Biren Singh kuomah Memorandum an pek bakah a hnan lieua inhmupuina neiin a ram rasuok ngei Mawt (banana) an in hlan. Hi huna hin Imphal-a a office-a inhmupui dingin Mandal thuoituhai a fiel.
Chun, Mandal thuoituhai hin DC/CCPur khawm Aadhar le Biometric Census thuan an hmatiang a biel ngeia fea hma lapui dingin an ngen baw.
Tipaimukh Mandal BJP in CM kuoma memorandum an peka chun Bufai, Thautui le Chini mamaw tawk sekhaw theina ding Parbung, Tipaimukh Block

Mi Pahni thina thuan inremna siem a nih

IMPHAL: May 5 nia Moltinchan le Khumjang, Sugnu P/S, Chandel district huom sunga mithi ruong pahni, Ms Nengneikim le Mr K. Tuboi hai ruong hma a nina thu le inzawma nuorna neia mipui inrawitu JAC le sawrkär aiawtu Mr Letpao Haokip, Minister IFCD & YAS hai chun Inrinnia khaan Khopijang ah inremna an siem tah.
Mipuihai inrawitu JAC le KSO Gumpi Block, KWHR le Ereima Nupi Lup, Sugnu hai ngenna angin tuolthattuhai chu sawrkarin zäwng dawk a ta, an phaw taw hremna peng a tih. Chun, mithi sungah kuomah zangna dawmna (ex-gratia) an rang thei anga pek ning a ta, minister IFCD & YAS chun mimal taka maw phurin hma hung lang a ta, mipui khawmin an nuorna chawlsanin nundän pangaiin fe nawk tang an tih, ti a nih inremna chu.
Inremna hin Mr Letpao Haokip bākah sawrkär mi le sa tieng DC/Chandel Mr Krishna Kumar, SP/ Kachhing Mr S. Goutam, SDO/Chakpikarong Mr. R. David le SDPO/Sugnu Mr A. Romendro Singh hai khawmin hming an ziek.
Hi hma met hin, mipuiin nuorna neia lam an hrawa an dangna hmun Khopijang-a väntlang inkhawm ah Mr Letpao Haokip chun tuol thattuhai thiemnaw an chang thu puongin, hmatiang peia khawm hieng ang misuolhai hin khawtlang an chawk buoi nawk ta ngai nawnka dinga hma a lak ding thu a hril.
Sawrkär chun hieng ang khawhlona hi a ngai thei naw thu hriilin, misuolhai chu hrem loa an suok naw ding zie a hril a. Sugnu biel laia hnan hnan hnan um khawmhai chu inremn taka um tlang diel diel dingin an fui tawl baw.

HT weekly-t00n

Contributed by: LRS Puruolte

A chuongna motor a tian hrat lei am an' ta ding? Election hma ang khaan a mi hmufuk thei ta der da' l al...?!

VAWISUN THUPUI

In lunginzingna popo ama chungah inngat ro, aman a ngaisak si cheu. Ngaiven unla, fimkhur ro; in khingpui diebol chu sakeibaknei inrum angin a fak thei ding zawngin an vel ruoi hlak a nih;
-1 Peter 5: 7-8

Editorial Thil inhmelo

Khawvela hin thil inhmelo tam tak a um a. Ni dan ding ang a um lo, um ding anga um lo, thaw ding awm thawlo hai hi a tawi zawnga thil inhmelo an nih. May 6, 2017 a Manipur Chief Minister Nongthombam Biren Singh in Churachandpur-a hung sir ni taka CCPur khawpui sunga electric mumal lo kha thil inhmelo pakhat chu a ni ve. A san chu State sunga thuneitu tak hung inzin a ni lein.

Chu tiengpang chu lo hun sien, khawvela thil inhmelo tak laia pakhat chu Kristienna le thabo hi a nih. Indiknawna, ringumnawna, depdena, hmangaina tlasam le tlawnngaina neilo hai dam hi Kristienna le inhmelo laia thenkhat chu an nih. Hi baka hin hmangaina thu khkepui zinga, mani unau hmangai thei der lo dam; indikna le ringumna khkepui zing sia ringum derlo hai dam hi thil inhmelo pawl tak laia mi an nih. Chun, Kristien ni sia nundan mawi le chandan mawi neilo khawm hi thil inhmelo tak laia mi an ni baw.

Ei thuring Bible chun, I bieng khingteng min an ben chun, khingteng khawm daw sa dingin Isu Krista kha a thuoiruoi hai a lo inchukit a. Hi thil hi a practical-a mi n e bieng khingteng an ben chun khingteng daw sa ding ti kha an chukit tak ni lovin, thuhnuoirawl dinga an chukitna a ni lem. Isu Krista in an chukit tum tak kha Kristian tam tak chun ei hmu thel niin an lang. Hi lei hin Bible thu ringa zawmtu nia insal ei ni si chun Kristienna le thuhnuoirawl na hi an hme hle a nih. Sienkhawm, ieng ni manglo hai khawm hi thuhnuoirawl na ei tlasam hle. Isu Krista inchukitna ei man faknaw lei a ni ring a um.

Ei thuring Bible hin thiltha le umdan ding tam tak a min chukit a, zawmkim vawng thei naw inla khawm a then a zar bek hi hang zawm inla chu ei insung, ei khawltang le ei ram delna chin hi chu ram inhawi ni thei ding a nih. Sienkhawm, ei nuom chin ei zawm a, ei nuomnaw chun ei hel lein tulai thangthar Kristienna hi Kristien han ei inhmpui tanaw a nih.

Missionary E. Stanley Jones in India hnampa Mahatma Gandhi a van hmupui hunah Isu Krista thuhri hai I hrii rawp hlak si a, iengleia A (Isu Krista) hnung-zuiti ni I nuom der naw am a nia? tiin Pu. M.K. Gandhi kha an dawn a, chu taka Pu MK Gandhi in a dawnna chu, 'Isu Krista hi ka hnaw naw a, ka hmangai a nih, Christians tam tak hi Krista angna in nei nawh. Christians hai hi Bible-a Isu Krista inchukitna zawmin, chu ang tak chun um seng inla chu vawisun hin India pumpui chu Kristien ni tang a ti tiin a hrii.

Pu Gandhi kha Kristien sakhua zuitu ninaw sienkhawm South Africa rama Law a practice laia inthaw Bible hi nasa taka tiama a ringununa lo hmangtu le nasa taka Kristienna lo hnawtzui vetu a ni lein a nuna kha Kristien nun tam tak an phumruk teu a nih. Sienkhawm Kristien han ei kristienna ei inhmpui naw lein a ta ding chun Kristien nina kha thlakha um tlakin a ngainaw a nih. Hi thil hin Kristien hai hin Kristienna inhmpui lo ei tam ti chieng takin a suklang a nih.

Kristienna hin nitin nuna hmang ding thiltha chi ting-reng a min chukit el khela, taima ding, ringum ding, tuorsel, inngaitlawm ding, inhmangaituo dingin a min chukit a, sienkhawm tulai Kristien nun ei hang thir a, hiengang nun hi ei khawtuol a chun hmu ding a um mang ta nawh. Biekin sunga ruok chu tlawmin Kristien ni awm tak tak chu ei um tawl hi tie. Sienkhawm, ei Kristienna hi Biekin sung chawa hmang ding ni loin, khawlai hmuna khawm hmang le zawm ding ei nih. Ringumna le taimaka kawnga lek lem hin chu ringnawtu ei ti hai hin ei Kristien nun hi an mi sukdik pek lem hman hman niin an lang hlak.

Fiemthua 'i hmel in hme naw a nih' an ti ang deuin Tulai Kristien tam tak hin chu ei Kristienna hi ei inhmpui ta nawh. Kristienna le thabo hi an hme naw a; Kristienna le ringumnawna an hmenaw ang bawkin Kristien ni sia hmangaina nei lo hi an hme nawh. Biekin le kohran pungkawm nihkuoa khuong iri le inruola ban phar dawr dawra lam thei, sienkhawm mani unau hmangaina dinga ban phar thei der si lo hi an hme nawh.

Ei pasiet tawl zie hlak chu hrii loa hmang. Hieng khawpa ei pasie ta khawma sin lien le chin ei la thlier a ni chun, intodel le hausak chu ei ta dingin vana ra ang a nih. Pasie vie e ti lovin ei la chapo al tawl nawnghal. Kristien ni sia Pasiet zing zing khawm hi thil inhmelo takel chu a nih. Ei pasietna hin Pathien hmeng khawm ei sukpawi an tanaw manih? Pasiet khera Pathien hmeng hmu tum ei ni chun Pathien hmeng hi ei sukpawi pei ding a nih. A san chu ringtu tha le indik chu a taima hlak a; mi taima chu a hausa er ur nawk khawmin an todel hlak.Ringtu tha tak chun hausk pawm khawmin Pathien hmel an hmu thei. Ei in lusuk nasa inthawkh thanghar ei tul takzet. Kristienna le ei nundan hi an hme am ti hi mitinin a thar taka ngaituoin in enawn seng inla nuom a um.

SP in secular candidate a thlawp ding

LUCKNOW : Uttar Pradesh -a Samajwadi Party (SP) President Akhilesh Yadav chun, President election hung um dingah secular alliance candidate an um chun a party Samajwadi party in an thlawp ding thu zani hmasaa SP Headquarters-a reporters hai an hmupui hun a hrii.

Hi thu hi President election hung um dinga Opposition parties han thanguola common candidate nei tuma

hma an lak mekna le inzwama Mr Akhilesh Yadav in a hrii a nih.

Hieng laizing hin Congress thanga Opposition party tum tum han tulai hnaia ela inrawntlangna an nei a chun, tula president ni lai mek Pranab Mukherjee bawk NDA in an nawrlut nawk chun common candidate a hrana nei lo dingin thutlukna an siem a nih. (PTI)

Editorial Board

Lalmalsawm Sellate: Editor & Publisher
Roding L. Sellate: Jt. Editor
Ramditum @ Rama Ralsun: Asst. Editor
Lalsansuok Pulamte & Samuel Zothanglien@SZ Zote:Sports
Joseph Joute: Freelance
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

MANIPUR SIM TIENGA MISSIONARY DAY THUA HRIET DING PAWIMAWIHAI

-Darneial Kholum, Apollo Veng, Churachandpur



Mizoram le Manipur-a chanchin tha lut inang dan: Mizoram le Manipur-a missionary hai hung lut dan hi an ang khawp el. Kum 1891 khan Welsh Presbytery tirin India Hmar sak Khasi & Jantia Hills-ah Rev. William Williams a hung lut a, hun iemani chen a um hnunging Mizoram a hang fang a, Lushai ram sunga Tlawngdung, Changsil le Aizawl chen a tung a. Ni sawhni le paruk sung a chhm a, March le April hmang kawpin hun a hang hmang a, ama hi Khasi ram missionary a nih.

Kum 1889-a Vailien vawu 2-na leia ram buoi a la re chie naw leiin Aizawl Bawrsap A.W. Davis-in a um sawt a phal naw lein Khasi ram tieng a tirkir nawk nghal a. Ama hi missionary Lushai ram sir hmasa tak a nih a, amiruokchu gospel thu a hrii ve nawh. Lushai ramah chanchin tha a la lut nawh ti a hang hriet chieng hnungin sap ram tieng Rev. William Williams-in lekha a thawn a, Lushai ramah chanchin tha a la lut nawh ti le chanchin t ha an tul zie a zuk hrii phingin Arthington Baptist tirin Rev. Frederick William Savidge, B.A., Ph.D. (Sap Upa) le Rev. James Herbert Lorrain (Pu Buanga) hai chu kum 1894 kha an hung tah a nih.

Hieng mi pahni hai hi tir ngeia hung, Lushai rama missionary hmasa tak an nih. Rev. William Williams kha Lushai ramin missionary-ah an pawm ngai nawh. A san chu Khasi rama missionary a nih a, Lushai ramah chanchin tha a hrii naw baw lein.

Chuong ang bawkin, Lushai rama inthawkin Dr. Peter Fraser, M.D., B. Sc.,MPh. in Manipur sim tieng chanchin tha a lut ta'm ti hre dingin Watkin Robert Roberts (Tlangval), Thangkai Vaiphei (Bualtang khuo) le Lungpau Vaiphei (Maite khuo) hai a tir a, survey an va thaw a nih. Survey an thaw huna hin Pathien thu (gospel) an hriina khuo le hmun ei hriet nawh a, ti puma a ruka state danga va lut an nih a, Robert ta ding lem chun mi ngo a ni lein ti a um hle a nih. Pu Thansia chun a lekhabu *Bawlhmun*-a chun, "January ni 30, 1910-ah Aizawl an chhuahsan a, chinchang an va chian hnu chuan an lo kir leh mai a, cham rei thei leh cham rei ngam pawh an nih bik loh avangin" tiin a ziek. Sap ta ding lem chun state dang hi phalna neia lut thei chau a nih.

Chuleiin, Khasi missionary Lushai ram hang fang pa Rev. William Williams ang char kha an nih. Survey an thaw hin Pathien thu an hriina khuo le hmun hrii suoktu le hrie an um ve naw lein missionary an ni ve nawh. Pioneer chu ei ti thei a, mi pawimaw hmasa an na, an hming hin hrii a hlaw zing ding a nih.

Watkin Robert Roberts, Thangkai Vaiphei le Lungpau hai hi Lushai ram Khawlin khuoa inthawkin Manipur rama khuo Parvachawm, Senvavn ram sunga Hmunte, Taithu khaw chung le Sartuinek an hung fang a, Vervek, Mizoramah an lut nawk a nih. Aizawl an tung nawk a, Manipur sim tieng chanchin tha a la lut nawh ti an va hriet hin Dr. P. Fraser le Watkin R. Roberts hai hin an naupang chawm laia mi Senvavna fe ding an zawng tah a, mi pathum tlawnngai an hung inpe a, chuongchun, Rev. Liangkhaia chun, "Sap Tlangvala chuan Vanzika, Savawma leh Thangchingpua (Taita) mi hratkhawkheng theuh a kaltir a" tiin a ziek tah a nih. 'A kaltir' a ni chun SapTlangval a fe ve nawh ti hi a chieng hle a nih.

Rev. Liangkhaia bawk chun, "He mite hi Senvavn rama kohran phuntu hmasa ber an ni ta a" tiin a ziek a, "hmasa ber" an ni ta chu; hienghai hmaa hin mi an um nawh tina a nih.

Thu khel ziek hi a then ta dingin buoina a nih:

Hmar hnam sunga hmeng khela taitil (title) insang met nei hai hin Hmar hnam sunga minaranhai hi an sukchawkhawrawiin ka hriet. An thil ziekhaia hin "hieng hin ziek lang tam tak chun awi tho an thih" inti deu am an nih ti thei a nih. Hieng hi ziek fimkhur inla, khawlaidunga ar pan chuk thu mei mei, a chiengna le besan bova thu ziek hi insum deu inla muom a um ngei!

Pu L. Keivom chun Mission buoi laia Senvavna zawl inhawi, khawhawma mi 'arthatzawl' chu Pathien thuruk an hriina hmuna a ni lein khawhawngin a sawichim ti anga a ziek ka lo tiem tah a, 'arthatzawl' a ti hi an dik naw nghal phawt a, 'arthatzawl' a ni lem. Kamkholunin khawser a thawh a, Khawbawn tlang a bieka a, khawsungah riva iengkhawm um lo ding a ti lein hi zawla hin mauhak ruoin ar kul an siem a, Kawnzara ar a khuong thei taphawt chu hi zawla ar kula hin an zu tak a nih. Chuleiin, hilai hmun hi 'arthatzawl' an ti a nih; arthatzawl a ni nawh.

1929 Tuliensang kum kha June ni 1 a inthawk ni 10 sung chat hlek lovin ruo a sur a, Mizoram khawm a tlahawp nasa a. Leisen khuo lem chu an khua niso tlakna tieng a ram phokin an tawl a, ram dang tam tak khawm

a tla hawp a nih. Tuibum vadung khawm luong ta lovin an dil hiel a, hi tum hin hi arthatzawl khawm hi a tlahawp ti ka pi Thangrohnm-in July 15, 1987 kha kum 92 mi ni tain a hmu phak thu a mi hrii. L. Keivom-in hi thu a ziek khawm hi a ziek thel hle a nih.

Histawri Pawngsuol-2 (Rape of History), L. Keivom-in *Hmasawna Thar* June 5, 2016 Sunday issue phek 2, column 1, para 4-naah Joseph Joute, Freelance Journalist-in Missionary Day hieng hin a ziek chu tie! "Manipur sim-thlang (Churachandpur district) chun *Missionary Day* pahni ei nei tah ti ei hriet a, Feb. 5 le May 7. A tir chun Hmar hnam sungah February 5 (W.R. Roberts hung ni) hih Kohran po povin ei zawm a. Hun hung fe pein hnam dang Kohran lai ngaidan dang met a hung suok ta lein sawrkar tienga thuneituhai lo thuhnein May 7 (Tuolmi Missionary hung lurna) chuh Missionary Day-a puong a hung nih ve tah a" a ti chuh!

"A tir chun Hmar hnam sungah February 5 hi kohran po povin ei zawm a" a ti hi iengti awna a hrii an ning a ta? A tir chun NEIG Mission-in May 7 a hmang hi mi po povin ei zawm a a ti lem ding a nih. Senvavn Seminar 1985 chinah February 5 hi a zawm pawl an um a, a tira zawn chu May 7, 1910 hi a nih. A ziekpa hin muhaia a ziek a hawih.

A then lekha ziek le bauva tawng ka hriet chu "Senvavn Seminar kha Hmar Christian Forum khawma February 5, 1910 hi Missionary Day-a hmang ding an thih" ti hi a nih. Resolution-a pass chi an nawh. Hmar po po, a thiem taka inthawka a mawl tak, an vet taka inthawka a var tak chen, a tieng tlanga lo thi thahi, Hmar, hnuoi insieng hlawa inthawka tu chena a dam po pohai, a hmel tha taka inthawka a hmelsie tak inkhawma resolution thlaka May 7 hi sawn chi le sukchhang chi an ta nawh. Ieng ang forum siem inla khawm February 5, 1910 hin khawlai am, khawlai khuo am - Parvachawm, Hmunte (Senvavn), Taithu, Sartuinek haia hin - survey thawtuhai (enthlatuhai) kha gospel thu an hrii? A ziektu, bua hriitu an am po?

Hmar po povin resolution pass tumin: 1) nisa hi sak tieng ngawt a suoka, thlang tieng suok ve ta raw seh, 2) thlaha hi inthim ta lovin var zing in tla ta raw raw seh, 3) nipi lai a lum taluo a, dei deu sien thang a tih ti dam hi reltlang inla a thahnem awm naw ngen! Kawmaw insuo lovin le thangtlawm lova a hmasa hi zawm el a tha lemin a hadam lemin ka hriet.

Kum 1894 kha A, AW, B. in chukna Sap haiin Aizawlah sikul an hawng a, naupang an tihai khawm kum tam tak tak an nih. Hieng laia an zirtirtupa chun Pawi naupangpa chu a dang deuin a hriet a, Pawi naupangpa chun 'O' ti ding chu 'au' a ti pei a. An zirtirtupa chun, "Han ti leh teh" a ti khawmin 'au' bawk a ti nawk pei a, a thlang thei der nawh. Pawipa chun 'O' ti nuom lovin, "Kan veng ka thlen hunah chuan 'au' ka ti leh tho ang" a ti an thih. February 5 hi phuokchawp, sui sei thei lo, a thara siem, a thara phuok, sui zawm thei lo thil, Hmar po po suicheng thei lo, ringvang thua sui mei mei a nih. May ni 7 ruok chu mi hlui, upahain an mita an hmu le an hrietchieng a nih. Mi hlui pariet zet in hmua an hrietchieng ngei lekhabuah "May ni 7" an ziek seng a nih. Insukmaka February 5 ziek zieka chieng chi le fel chi a ni thei nawh. Ziek tam po leh khel a tam el ding a hawi tah.

Histawri Pawngsuol (Rape of History), Pu L. Keivom in *Hmasawna Thar*-a ansuo, H.H. Coleman a deusawna a zieka chun Watkin Robert-in Senvavn a sir hmasakna tak chu 1914 chau niin a ziek. Coleman mi sawr bawk Rev. H.L. Sela chun May 15, 1909-ah Watkin Robert chu Senvavn an sirtir der tiin a ziek bawk a nih. May 15, 1909 hi ram enthlatuhai (survey thawtuhai) hungna Rev. H.L. Sela-in a suina a ni lem.

"Coleman mi sawr bawk" a ti hi Hmar tawng mawi le tha niin ka hriet nawh a, Coleman a deusaw a, Rev. H.L. Sela-in bau tha lo a zuk hlaw hi, Bible, Delhi Edition sut thei zet tawngbau dingin kei chun mawi ka ti nawh. Tia chu Pathien thua mi lo keihruoituhai hi ei inza lem dingin ka ngai.

I chipuihai hotu chungah thu tha naw hrii naw" ti khawm ziek a ni sih a. (Thilthawhai 23:5)

Shri Lalnghawrlie Inbuon in Open Letter to the Hon'ble MLA a thawn Dawnletna

1. S.Lalnghawrlie Inbuon, Senvon, BJP Social Worker intiin Inza umtak Hmarhai MLA neisun Pu Dr Chaltonlien Amo lekha i thawn Hmasawna Thar April ni 29, 2017 a i hung insuo ka lo tiem vea. Lekha i thawnpa hin i hriet nuom hi a hriet ka ring nawha, dawn chia a ngai ka ring bawk nawlein kei mi mawl tak ngaidanin hung dawn ka che.

2. Pu Chaltonlien suk muolpho tumna a i ziek a ni ka ring nghala. Hieng ang thil invet-thlak tak hung ziektu hi mi pangngai i ni ka ring bawk nawha. Ka ring dan chun mi tuin amani a ziek pek che ni ngei a ta, a ziektu hin thil a hriet nawle amani an tlawklei lema a ziek, ti ka ngaituo zuia. Election lai i lo san naw zie i suklang hi tie.

3. Ei MLA Pu Chaltonlien hi Contractor a ninaw lein hieng ang Contract sinhaia hin sum lut zat, sum lakta zat, laklo tihai le i hriihai hi a hriet phak ka ring nawha, hre phak bawk naw nih.

4. I thil indawnhai hi i hriet nuom a ni chun sin thawtuhai a mani Contractorhai indawn lem rawh. Thil tha ngaituo khawm i ni nawha, Hmar nau haiin MLA ei neisun hi suk muolpho le suk hmingsiet i nuom zie i suklangna a i hung ziek a ni awma, hung ching ta ngai nawla mivar hlaw lem i tih.

5. Vangaitlang Patpuihmun, Phulpui le Thingpuikuol khuohaia election le inzawma thil tung anga hrii thu belchieng dawllohai kha Hmar Inpuiin thuhnung-thuhma um talo dinga a rel fel a ni ta lein hrii lang zawm ta dal eita Hmar Inpui thurel ei inza suklangna ni lem a tih. Kha thu kha thukhel a ni zie Hmar Inpui kuoma hrii dingin Patpuihmun, Phulpui le Thingpuikuol khuoa inthawkh Chairmen V/A, Val-Upa, HYA, Youth Club le Member iemani zat CCPur ah an hung a ni khah.

6 I tarpuhai i hmangai zie i hung hrii uor hlea, i tarpuhai lai chu tla-tlum ngawt i tih. Ei MLA Pu Chaltonlien ruok chun a tarpuhai chau a ngaituo nawha, Hmar hnam hmakhuo le ei ram hmasawn dan ding a ngaituo zing lem a nih. Election wawitam a lo contest ve ta a, candidate dang thenkhathai angin Tarpui le Laibung-Pahnam a khawm ka hriet ngai nawh.

7. Roreltuhai hi Pathien ruot an nih ti ei Biblein a hriia, ei hotuhai hi mihriem el an ni ve sia, inza le lawm dan thiem tum seng lem ei tiu. Thiltha dit seng sengkhawm ngaidan an ang vawng ngai kher naw hih.

Hun el rawseh, ei unau lo buoi naw mani, min invet miti talourawi an thih.

- T.Suna Hmar, Parbung Sathick

May 23-ah Cultural Festival

GUWAHATI: Socio-cultural organisation North East Vision chun May 23-28, 2017 inkar sung Guwahati hmunah Cultural Festival huoihawt a tih. Hi huna hin National level singing, dance, drama le competition dang dang

haiah competition nei ning a ta, Madhya Pradesh, West Bengal, Jharkhand, Uttar Pradesh, Manipur, Gujarat, Punjab le state dang dang haia inthawk Cultural Organisations tum tum 30 chuong thang an tih. (AT)

GRP han rangkachak kg. 20 zet an man

GUWAHATI: Government Railway Police (GRP) chun May 5, 2017 kha Tripura Sundari Express Rel-a chuong passenger 4 hai chu rangkachak kg. 20 zet leh an man. Rangkachak le mana um hai hi Mizoram mi vawng an ni a, New Delhi tienga phur an tum nia hrii a nih.

Rangkachak le mana um hai chu PC Sangkimi (27), Jacob (47), Hmingmawin (38) le R Thangsang (35) hai an ni a, Barak Valley-a Badarpur-a inthawka Rel-a hung chuong an nih.

Man an ni hun hi zingkar dar 7:30 niin Guwahati Railway station Platform No. 4 laia an man a nih. Mi 4 hai hin rangkachak tlang 3 peia an phur a ni a, a reng hin kg. 20 a tling a, tulai rate chun Rs. 6 crore manhu ding a nih tiin GRP

OC Pankaj Kalita chun a hrii.

Mana um hai laia pakhat chun rangkachak hai hi Myanmar le ramri laia suppliers pakhat kuoma inthawka an lak, Delhi-a mi pakhat kuoma pek dinga an phur a ni thu a hrii.

Thla thum liemta sung kha Guwahati Railway station-a hin rangkachak kg. 50 chuong kha nita a, hieng rangkachak mana um hai laia a tamlem chu Myanmar-a inthawka hung phur an nih. Myanmar rama hin India nekin rangkachak man a tlawm lem lein hienganga rangkachaka sumdawngna hi a hung hluor pei nih.

Hienga rangkachaka sumdawngna a phurlawnngai hai hin kg.1 peiah Rs. 90,000 a inthawk Rs. 1.20 lakh dam an hlaw hlak nia hrii a nih. (AT)

Arun Jaitley ni 3 cham dingin Japan ramah

NEW DELHI: Union Finance Minister Arun Jaitley chu Japan rama ni 3 sung cham dingin zani zingkar kha New Delhi suoksanin Japan rama a pan. Mr Jaitley hi Yokohama hmuna Asian Development Bank Board of Governors annual meeting-a thang dinga Japan

ram inza a ni a, vawisun hin Deputy Prime Minister Taro Aso le Japan Finance Minister hai khawm inhmpui a tih.

Mr Jaitley hi Defence minister chelsa a ni naah Japanese Defence Minister Tomomi Inada khawm May 8, 2017 khin inhmpui bawk a tih. (AIR)

India High Court nuhmei Chief Justice hmasa tak a thi

NEW DELHI: India rama state High Court Chief Justice hmasata Justice (retd) Leila Seth chu zankhan kum 86 mi niin Noida hmuna a chengnainah a thi.



Justice Leila Seth hi London Bar exam-a lo topped niin Delhi High Court nuhmei Chief Justice hmasa tak lo nita le Himachal Pradesh High Court Chief Justice khawm lo chel ta a nih.

Justice Seth hi ziektu hmingsang Vikram Seth piengna nu a nih.

Seth thi hi PM Narendra Modi, President Pranab Mukherjee le Vice President Hamid Ansari hai chun an sun takzet thu an puong.

ADM in Abu Salem bula jail-a um a ngenna MP sawrkarin a hnawl

BHOPAL: Guna Additional district Magistrate (ADM), Niyaz Khan in fiction novel a ziek mek 'Love Demands Blood' ti le inzawma Talaja Jail, Navi Mumbai hmuna intang mek gangster Abu Salem bula jail-a a um phal phek dinga ngenna a siem chu Madhya Pradesh sawrkar in a hnawl pek.

Bhopal-a General Administration department (GAD) chun a hnawl pek a nih.

Mr Khan hin a lekhabu ziek le inzawma Abu Salem hi hohlimpui a nuom leia Jail sunga Abu Salem bula inumtir dinga March 28, 2017-a kha ngenna a siem a ni a, sienkhawm

Khan in Abu Salem bula um a ngenna hi Vishwa Hindu Parishad (VHP) chun nasa takin an dodal a, India President le Madhya Pradesh Governor hai kuomah Memorandum khawm an pek nghe nghe a nih. Abu Salem hi 1993 Mumbai bomb blast thanga case tum tum inrawlna neia intum a ni lein Khan thil ngen chu indik an tinaw in an pawm theinaw a nih. (ENS)

ALL INDIA RADIO: CHURACHANDPUR PROGRAMME		
Date: May 7, 2017 (Pathienni)		
TRANSMISSION- FM-101.4 Megahertz		
Hours	Studio/	Programme
4.53pm	CR/P	Signature
4.55pm		Vand Mataram, Time Reading, Opening Announcement & Mangal Dhvani
5.00pm	P	Hymns to God : (Western music) Sandy Patty (dev)
5.05pm	P	Local Announcement/Prog. Summary
5.10pm	P	Minor Dialect (Gangte): L.L. Muona (dev)
5.25pm	P	Western Music : Bob Fitts
5.30pm	P	PAITE Prog. Sig. Tune & Announcement Announcer: Chiniakhsang 1) V. Lumnimal & party (dev) 2) Talk :.Missionary Day message- by Rev. K. Kamchinkhup
6.00pm	P	HIMAR Prog., sig. Tune & Announcement Announcer: David Traite 1) Rengkai EFCC KTP (dev)
7.00PM	P	THADOU Prog., sig. Tune & Announcement Announcer: Nemyahai 1) Lamneihling Hackip (dev)
		Farm & Home: Thadou 1. Lamneihling Hackip (dev)

LAKTAWI

Pakistan mi pas-
alte Army han an
man

JAMMU: Jammu and Kashmir-a Rajouri district-a Line of Control a chun zanikhan Army han Pakistan mi pasalte kum 12 mi India ram sunga hung lut chu an man.

Army hai chun India ram hung lut ruk ding terrorist hai lampui ding enfel dinga Pakistan Army han ramria Army hai ngirhmun enfel dinga terrorist thenkhat le an hung tir ni dingin an ringhla.

Mana um pasalte hi Ashfaq Ali Chauhan niin a pa chu Baloch Regiment sipai pension niin Dunder Pel village, PoK a cheng a nih. Ringhla um taka LoC laia an vak kuol leia Army hai hin an man a nih. (PTI)

IISCO labour
pahni an thi

BURDWAN: West Bengal-a Burnpur IISCO Steel Plant a chun zanikhan changsuol pal leia thir sungongti in a buokkhum lein contract a thawk sinhawtu 2 in thina an tuok. Hi thil hi zani zingkar dar 4 vela kha tung a nih tiin Police chun an hril. Hi thil tunga hin midang 7 khawmin hliema an tuok a, hospital hran 2 haia admit an nih.

Hliem hai laia 3 hai chu an hliem inrik hle a, an taksa 90% a kanghliem niin hospital official hai chun an hril. Hi thil tunga thina tuok hai chu Ashik Sikka (25) le Sk Shah Nawaz (23) hai an nih. (PTI)

Odisha in Free-
dom fighter pen-
sion a sukpong

BHUBANESWAR: Odisha sawrkar chun a state sunga zalenna suolta (freedom fighters) pensioner hai hlaw a sukpong. Zalenna suol huna Jail-a lo intang freedom fighters han tuta hmaa thla tin pension sum Rs. 6000 an dawng hlak chu Rs. 10000 an dawng ta bawking a nih.

A hmoin Goa Mukti Andolan a thang freedom fighters hai kuomah hin pension sum thlalin Rs. 5000 state sawrkarin a pek hlak a, tuhin Rs. 9000 ni ta dingin state sawrkar chun a sukpong a nih. (AIR)

Thlalak thalo a
post lein Congress
leader man

LUDHIANA: Ludhiana Police chun zanikhan District Congress rural wing vice president Mohan Singh of Guru Teg Bahadur Nagar, Chandigarh Road chu singer le politicians hai video mawi lo social networking sites WhatsApp groups le porn websites haia a thedar lein an man.

Unau pahni damsung
lungin intang dingin

MUZAFFARNAGAR: Additional Judge Amber Rawat chun August 12, 2010 nia Bihari Village-a sum le pai thua inselbuoina leia pasal kum 40 mi kaphlumna le inzawmin unau pahni Musa le Mohammed hai chu damsung lungin intang dingin le fine Rs. 20,000 ve ve chaw dingin an chungthu a rel. (PTI)

Sawrkarin Assam state pumpui
disturbed area in a puong



NEW DELHI: Sawrkar thlungpui chun Armed Forces (Special Powers) Act (AFSPA) hnuoia Assam state pumpui chu thla 3 sunga dingin "disturbed area" in a puong. ULFA, NDFB le helpawl dang dang han chet an tum nia report um leia Assam pumpui hi Disturbed area-a puong a nih.

Hi le inzawm hin Home Ministry chun gazette Notification an suo ta a, chu taka chun May 3, 2017 a inthawk thla 3 sunga dingin Assam state pumpui hi disturbed area-a puong a ni a, hi thil hin Meghalaya le ramri chen a huom a nih.

Ministry chun, kum 2016 khan Assam state sunga hin tharum insuona vavi 75 tung lein mi 33 in thina an tuok a, thina tuok hai lai hin security personnel 4 an thang a, mi 14 thuihmgan an ni bawking niin a hril. Chun, kum 2017 a hin Assam state sunga tharum insuona vavi 9 a tung ta a, security personnel 2 than-

gin mi 4 in thina an tuok ta bawking niin ministry thusuok chun a hril a, hieng tharum insuona hai hi ULFA, NDFB le helpawl dang dang hai chetna leia tung a ni thuihmgan thusuok chun a hril bawking.

Ministry in gazette notification a hrana an suo nawk pakhata chun Arunachal Pradesh-a Tirap, Changlang le Longding bakah Assam le inrina biela Police stations 16 huomsung hai chu AFSPA hnuoia thla 3 sunga "disturbed area" a puong a ni bawking.

NSCN (IM), NSCN(K), ULFA, NDFB le terrorist dang dang han tharum insuona an la sunzawm pei leia hieng hmun haia disturbed area hi puong niin Ministry chun a hril. Arunachal Pradesh-a district pathum haia hin January, 2016 a inthawka kha AFSPA puonga lo um ta a nih. (PTI)

School bula gas putsuok lein naupang 200 vel hospital-a admit



NEW DELHI: Delhi-a Rani Jhansi govt. school bula Tughlakabad hmuna chemical plant pakhata inthawk gas thalo putsuok hiplut lein zanikhan school naupang 200 chuong hai chu hospital-ah admit an nih.

Hi thil hi school student han an mit inthak an sawisel-a inthawka hrietsuoka hung um chau niin Delhi Police chun an hril. A hnungin School Administration chun PCR biepawin Tughlakabad depot hmuna chemical putsuok a um thu report a pek a, local police, NDRF, Fire department hai chu hi thil tungna hmuna hin feint thil umdan an enfel ngal tiin Delhi Police thusuok chun a hril a, Police chun an sui-zui mek.

Delhi Deputy CM le Education Minister Manish Sisodia chun, hi thil tung suizui dinga Order insuo a nih tiin a hril. (ENS)


Indian Origin nupa tuok kap hlum

NEW DELHI: (EWD) Indian origin Silicon Valley tech executive le a nuhmei chu zani hmasa khan San Jose, United States-ah kap hlum an nih. Mr Naren Prabhu le a nuhmei hi mi pakhat Mirza Tatlic an tiin San Jose-a an chengnaina na taka a kap hliem, an hliema tuorza lova thi an nih. Naren le a nuhmei hin

naupathum, nau nuhmei pakhat le nau pasal 2 nein San Jose hmuna khawsa mek an ni a, hi thil tung huna hin an nauhai chu Ina hin an um nawh. Hi thil tung thu hi an naupa kum 20 mi in police-a report a pek a nih.

San Jose Police Chief Eddie Garcia chun, kap hluma um nupa tuok hai nauu le mi kaphlumtu hi inggaizawng an ni a, sienkhawm nikum laia kha lo inthe ta an nih tiin a hril.


A pasal silaiin na takin a kap hliem



BENGALURU: Zani hmasa zantieng khan Ms Hamsa (48) chun Hosur Road lai a pasal Sairam MR (53) chu SUV motor a khal laiin na takin a kap a, sienkhawm Sairam hi a motor a inthawk suokin BMTC bus-a lutin a tlan a, Ms Hamsa hin a pasalin a tlan SUV motor hi khalin a hnawt in a bei nawk a, sienkhawm bus a chuong passenger han Sairam hi humin a nuhmei hi an man a, Police kutah an inthlan. Sairam hi hliema inriktak tuorin Sparsh Hospital, Bommanahali hmuna enkawl a ni a, a phingah silaimu in a dengfuk lein enkawl mek a nih. Police chun Ms Hamsa hi thu indawna an nei mek.

Sairam le Hamsa hai hi kum 20 deuthaw innei tah an ni a, Hosur, Tamil Nadu-a inthawk in pana an fe laiin lampuia bu fain zu an dawn bawk a, chu huna inseltuoin Sairam chun a nuhmei hi a vuok a, chu taka inthawk Hamsa lungsen hin Car sunga Pistol ladawkin a pasal hi a kap el nia hril a nih. (TOI)

Nepal CJ Karki in a sin a chel nawk tah



KATHMANDU: Nepal nuhmei Chief Justice hmasatak Sushila Karki chun zani hmasa zantienga inthawk khan Supreme Court Chief Justice sin a chel nawk tah. Supreme Court in a sina lakkir nawk ding le Parliament chu impeached a nina motion cheltang dinga Order an suo hnunga Ms Karki hin CJ sin a hung chel nawk a nih.

Justice Karki hi Napali Congress le CPN (Maoist Centre) han impeached dinga Parliament motion an putlut a ni a, hi le inzawma a sina inthawka suspended -a lo um a nih. Hi motion tuah hin Dy. PM le Home Minister Bimalendra Nedi chun inbanna a pek a, sienkhawm a hnungin an banna hi a hnuokkir nawk. Chun, Nepal Rastriya Prajatantra Party chun Justice Karki chunga impeachment motion chungthua hin Prachanda inrawi Nepal sawrkar an thlawpa an lo hnuokkir ta a nih.

Car 2 sungah Rs. 7.5 crore an dapdawk

NEW DELHI: Uttar Pradesh Police chun zani hmasa khan Lucknow-a Daliganj crossing lai Ponty Chadha group ta Car pahni haia inthawk Rs. 2000 notes vawng Rs. 7.5 crore zet dapdawk an man. Hi le inzawm hin mi 3 hai chu thu indawnciang dinga hrentang an nih tiin Police thusuok chun a hril.


Chun, Lucknow-a Ashiyana hmuna demonetised Rs. 1000 notes iemanizat dehawna um hmu a ni bawking. Income Tax Department chun thla hmasa khan Rajasthan le Haryana haiah black money Rs. 110 crore lai zet an man bawking.

Lawmthu Hrilna

Hun iemanichena inthawk ta Khan Pile natna ka nei a. Sawt tak tak inhnawmmain hun ka hmang a, a chang changin thisen a suok a, ka taw a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chauin ka hung cher deu deu a. Ka beidawngin MV Azad Phusam ka pan a, hun iemanichena a ni enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hung hril a nih. MV Azad Phusam hi nitin 8AM-4:30PM inkar sunging Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekravn thei a nih.

Lawmthu hriltu, Sd/-Chingpao New Lamka


Conservative Councillor Dung
Inhnuoitak James



LONDON: Tuta tuma England le Wales ah Councillor election-a khan, Rhos on Sea, Conwy, North Wales a inthawkin Conservative party ticket-in James Lusted (29) chu thlangting a ni ve a. A dung hi fit 3 le inchi 7 chau a ni lein Conservative party lai chu a dung inhnuoitak a nih.

Britain Prime Minister, Ms Theresa May (5ft 8in) neka fit hni vela inhnuoi lem, michin, dung tawi (dwarf) James chun, ama ang bawka michin (dwarf) hai ta dingin politics a khel ding niin a hril. A dung an hnuoia chu a politics khel ding chu insangtak a nizie a hrila. "Vawisun a inthawk chu ka mi le sahai po po, a naupang le upahai chauh khawm ni lovin, kung laihawl le mi tukhawm, ieng background-a mi khawm nisien, dung insang le dung inhnuoi, a lien le chin, inang vawngin dikna chawvo an nei ding a nih" tiin a hril. James hi Kristien tha tak el a nih a. Christmas haia khawm hasaka rawng bawl hlak a nih. Ni kum November khan, a nuhmei dingin trainee teacher Miss Chloe chu, Biekin sungah dawsang leilak (step-ladder) chawi lutin, a chunga ngirin Pastor hmaah a nei a. BBC Wales chun "Born Small: The Wedding" tiin an suo a, an

N. Korea's Kim That Tumah CIA le SK An Tum





PYONGYANG: Tawng puom, hmai puom bawking, ralthuom char buoiuia a mipuihai harsatna khawm ngaisak lo North Korea chun, America enthlata pawl Central Intelligence Agency (CIA) le South Korea intelligence han an President Kim Jong Un chu 'biochemical substances' (tur hrat tak) hmaning 'inphierukna tirdakum' takah that an tuma chu an la hlawsam pei tiin an tum.

CIA hai hmang tum damdawi tur hin an that tumtak a fukker naw khawma ralkanga inthawkin an thaw thei a. A damdawi tur chu 'biochemical substance' le 'radioactive substance' le 'poisonous nano substance' niin thla ruk le thla 12 hnunga dam a hung inlang chauh hlak niin an hril. Hi thila hin Russia ram, Khabarovsk Territory-a North Korea mi pakhat Kim chun an hmang a. Kim Jong Un chu Kumsusan Palace of the Sun ah military parade a en lai thaw an tuma chu an thel a nih tiin a hril. Tum hni \$20,000 pein an tir tah a, satellite thlalak khawm an nei vawng niin an hril bawking.

"Hi inthaw tumna hi indona dinga thupuong ang thluk a nih" tiin, "North Korea chun ni lovin khawvel mihriem po po chunga thil sukuoluina raphtlak tak a nih lein North Korea chun ngaita mei mei thei naw nih" tiin a hril a. Inthaw tumna a hlawsam dan le an mi hmang pa chungia iem an thawa ti ruok chu a hril nawh. Hienglai zing hin Kim

"Safe Zones" ah US Vuongnahai vuong ding khap



ASTANA: Russia military hotu Sergei Rudskoi chun, Inrinna a inthawkin Syria rama "safe zones" (hmun him) tia puongna po haia chun 'International coalition', US le a thanguolpui hai vuongna chu vuong thei ta naw ni hai tiin a hril. Hi thil hi Syria ram buoi le inzawma raltlanhai chunga harsatna a tlawm theina ding le an khuoan a kir nawk theina dinga thaw niin a hril. International coalition (thanguol) pawlhai chu US, UK, France, Germany, Australia, Jordan le Netherlands hai an nih a. Iraq khawm kum tawp tieng thung dinga beisei a nih. An reng hin Islamic helpawl doa inhril vawng an nih a. US chun President Assad pei thlak tuma thawtu Syria sipai tho Rebel an thiai a thangpui a. Russia chun

an imbeina hmun chu. "De-escalation zones" siemna san chu raltlanhai an khuo senga an kir nawk theina ding a ni a. Sergei hril dan chun, indona that tieng a pan pei a, raltlanhai hmun hima an um theina ding le pawl tawklo thina suktlawm a ni theina dingin May 1 a inthawk khan Russia vuongnahai chun hieng lai biel hi an fe/vuong lut tah naw niin a hril bawking. Russia Plan hi Iran le Turkey han an thlawp a,

UN khawmin a pawmpui bawking. Russia chun Jordan khawm thang ding a field ding thu a hril a. Signatory hai hin thla khat sungin 'safe zones' boundary dinga an dithai seng an peklut ding a nih. Amiruokchu, hieng 'himna hmun' hai hi tu hain am veng an ta ti le, dan lo bawsetuhai chu ieng anga hrem ding am thiai ruok chu a la chieng nawh.

Russia chun Islamic helhai dona chu a la sunzawm pei ding thu a puong a. Syria khawmin helpawlhai dona chu khawlai hmuna khawm nisien a sunzawm pei ding thu a hril bawking. Islamic helpawl abkin Al-Qaida le inzawm tuta hmaa Al-Nusra tia hriethai lem chu 'de-escalation zones' hai sungah khawm nisien a do pei ding thu a hril. Sergei chun, 'safe zones' hai siem a ni hnunga Syria sipai insuo zalenhai chu saktieng Euphrates vadung hrula ISIS helpawlhai dotu dinga tir ni pei an tih tiin a hril. Syria-a hin Islamic helpawl ringawt khawm pawl tamtak an um a. President Assad dit naw leia pei thlak tumna civil war suok lein mi nuoi 4 vel an thit tah a, nuoi tamtak raltlan an um tah bawking. Khawvel rambung hrat le lienhai an thang deu vawng a, an renga an dohravn chu Islamic helpawl hai an nih a. Tuin am hnena an changa ti ruok chu vawisun chenin hmu thei ding a la um nawh a. Helpawl hai an hnuoktaw hret hretin ti ruok chu Army han an puong zing a. Chuong kara chun helpawlhai dotu hai sawrkarai karah buoina neu neu a tung ran bawking.

Japan le China han Financial thua meeting

TOKYO: Japan le China chun kum hni sūnga a vavihatna dingin, Asia economic thu le North Korea thu bākah US-in policy hran a hung siem tumna thu hai le inzawmin Inrimni khan financial meeting pawimaw tak an nei. Hi meeting hi a hma meta rambung pathum Japan, China le South Korea hai meeting ah Chinese Finance Minister Xiao Jie a thāng hman naw leiin a hranin a la nei nāwk a nih.

Xiao le Japanese Finance Minister Taro Aso hai hin North Korea nuclear le missile program bākah an ram pahnhai economic outlook le financial cooperation chungchāng thu an hril tlang a. Asian Development Bank annual meeting, Yokohama, Japan-a um dīng side-line meeting an nei dan dinghai khawm hril tlang a nih. Hi rambung pahnia senior financial officer hai khāwmin meeting la nei an tih.

Japan le China hi Indopui 2-na laia Japan-in China ram lientak a awp leiin an kar thu a than aw hle a, siemth nāwk tumin hma an lak zing a. Chuong zing sa khawm chun, China ram hung lien pein infrastructure tieng sukmasawna dīng a hmalāknahai thangpuitu dīng Asia Infrastructure Investment Bank (AIIB) thar a hung indin a inthawk lem chun, Japan-in a thlawp ADB khum thei khawpin hung hrat a tih ti Japan policy siemthuhain an thawng leiin an kar thu hi a

la tha zan naw deuh a nih. Amiruokochu, inkhuongruol taka Asia economic development a um theina ding chun sumdāwngna thaw tlang tha an tih a. Abikin US President Trump hmalākna 'protectionist policies' chu nasataka kal an tum a nih. America-in māni hmasiel taka a thil thawna chu rambung pathum Japan, China le South Korea han dodal dingin inremna an ziek baw.

China chun, America-in insumdāwngtawnahai hlipa 'America first' ti policy hman sumdāwngna a hau hlur laiin, free trade supporter anga inlang a tum tlat a. Free trade hi China policy a nizie suklanga hman a ni zing theina dingin theitāwpin a thaw a, Japan le South Korea khawm inthanhtir a tum a nih.

Japan chun, America-in sumdāwngna agreement hai khara "America first" ti policy a hman tum chu tha a tinaw lai zing, sumdāwngna hrin hrin chu a zalen ding a ni el bākah a fair bawk ding a nih tia US thu fepui ruok chu a thlawp nāwk thung a nih.

Ralthuom leia buoinain a tuom zing laiin sumdāwngna thila ngaidān inang nawnahai le thiltum inang nāwkna leiin harsatna dang a hung pieng nāwk a. Khawvel sawrkharhai hi inrem taka um tlang diel diel thei nāwkna dingin buruoka thuneitu le thil thawtu um ang elin kil tinh buoina ding hi chu a hung um nāwk pei el a nih.

Pippa Middleton le James Hai Innei Hma Lêng

LONDON: Kate Middleton sangnu Pippa Middleton le a pasal ding millionaire James Matthew hai pahni chu an Inneina ding May 20 a hnai tiel tiela ngaiven an hlāw deu deu laiin nupa tak an ni hmaa lo ensinna ang deuin Zirtawpni khan Para Snow Ball, Hurlingham Gardens-a thāng dingin an lêng suok a. Hun sawttak lo inchantu photographer hai an lāwm hle.

An innei ding an puong hnungin nupa anga an inlang kawpna hmasatak a la nih. Kha hma khan, ni kum khan Wimbledon ah hmu kawp an nih a. Chu hnungin Sandringham ah Christmas hman Biekin an kai hmun khat hmu a ni bawk a. Chu bak chu a kawpa hmu dingin an um meu nawh.

Pippa chu a hlim em em a. Gown van rawng pawl tiel (blue brocade dress) a ring lai le a mansa lai lungmantama parte anga cheimawi (crystal flower) khup chen par die el a hak a. A pheikhawkhawm a hrui nei a zakuo rawng ang char (sandal) bunin hand-bag chite a khai a. A zakuo hak hi aman chu Rs. 1.40 lakh vel (Pound 1,375) a nih.

James Matthew chu a dum suit (Tuxedo) le bowtie dum bawk zakuo var chungah a hāka. Pheikhawkhawm dum bawk bunin millionaire hai inchei dan formal takin an chei a. An zen dan an mil tāk vel char bawka, an inhme kher el.

Kum 33-a upa Pippa hi ni danga an chei dan, informal tak, kekawr le T-shirt le sweat shirt mei meia ina um hlak le khawlai suok hlak kha a u Kate advice a lak chu ni ngei a



tih, nu (lady) takin tuta tum chu an chei a, a nuhmei sawta chu a ban bul le kut ring lai vel sekzie ruok chu thup thei an chuong nawh.

Pippa hin ama nēka kum 8 a upa James (41) chu May 20 khin kumzabi 12-na laia bawl tah Biekin hlui tak el, lunga rem, St Mark Church, Englefield ah "tiem tlat e" a tpuoi ding a nih. Inneina hi sung le kuohai le ruoltha tam rak lo fiela ropui taluo lova nei tum a nih a. Biekin le a sevel cheimawinahai khawm an lo thaw zing tah.

Ruoltha an fiel rāwn tah leiin Vestry-a thung ding ringawt khawm 30 an chuong tah. An Biekin hi a lien rak

naw leiin midang a keng ve naw haiin kut an insuia thu an intiem lai tak an lo hmu ngei theina dingin Sound System tha tāk takhai khawm inbuk wawng an nih.

Prince George le Princess Charlotte hai chu "page boy" le "bridesmaid" ding an nih a. Prince Harry khawm khuol pawimawtak hai lai thāng a tih. A bielnu Meghan Markle a thāng ding le ding naw ruok chu hriet a lan nawa chu a thāng ngei ring a nih. Princess Charlotte bāka hin "bridesmaid" dang panga um sa bawk an tih.

Pippa chun kum 2011-a a u Kate le William hai Inneina ropui ang khan ropui naw sienkhawm, wavi khat innei mana a tha thei ang tawpa thaw ve a tum leiin a u Kate a rāwn zing a. A u Kate mi hmanghai a tamlem chu a hmang ve a nih. A kutsebi le lunghlu incheina (jewellery) siemtu (Robinson Pelham) le Florist (Green Parlour) hai chenin a hmang a nih.

Pippa incheina lunghlu siemtu director hai laia pakhat Zoe Benyon hi an Inneina ding St Mark Church umna hmun neitu Sir Richard Benyon, Conservative MP a nih a. Middleton hai sūngkuo ruoltha a ni leiin sēngso khawm a tlāwm pha sawt ring a nih. Middleton hai sūngkuo chun a pasal ding millionaire a nia chu simple deuva an mākpa chu nei an nuom a nih.

Englefield Estate lai chu cheimawing a nih a, sign board an tar dan chun May 8 chen cheimawina sin an la thaw ding a nih.

Adele Kum 29 A Tling, Tar An tih

LONDON: British nuhmei malzai lai chu a hausatak nia a hausakna Pound 200 million nēka tama sukngo zo chauh Adele chu Inrimni khan kum 29 a tling a. Kum 29 a tling lawmain tar angin an chei a, a fans hai kuomah "Nearly 30! Thanks for the wishes. See you soon!" tiin a post a. Tar anga inchein a fans hai kuomah a tar thuh dam fienthuina a post a, inhawi



a tih hle.

Adele hin kum 30 tling vāng zain upa ta hlein ingai sienkhawm, a hmēl enin a la upa naw hle a, nunghāk that vānglai tak ang a la nih. Chubakah, kum 29 a tling chena a thaw suok enin, mi tamtakin an dāmsunga an thaw suok zo lo ding a thaw suok a nih. A hlasakna inthawkin Grammy award 15 a dawng tah a. Tu kum lem khan chu Grammy history ah, Album, Record le Song of the Year hai wavi hni la thei artist umsun niin record a siem a nih. Chubakah, 2015 album "Hello" kha YouTube ah wavi billion 2 en a nih a. Ni khat sūngna miin an en rawntak video, Taylor Swift-in record a chel lai chu a khum a nih. Kar khat chunin million khat nēka tam a zawr suok

Ariel Winter, Modern Family Screening ah Nal

LOS ANGELES: Kum 19 chauva upa model int hang hrāt tak Ariel Winter chu "Modern Family" Season Eight final screening neina dīng thāng dingin Nilaini khan Wolf Theatre, Saban Media Centre, Pasadena, California a hung a. A hmēl that bākah an chei dan sexy tak le nal tak chun mi mit a lak hle a. Photographer hai vāngnei an inti hle'l.

Tribal nunghāk ang thoa dung insāng taluo lo, taksa zen lo, inbem tieng deu muk tha tak, inmawm lel lol Ariel Winter hin rāngkachak rāwng puonbil le zakuo inzawm wawng, malpui chenve chēn chauha insing a buna a ken al zie po po le a malpui nam zie hai an lang thei wawng bākah, a zakuo chu dar inhawng, nene hmu po thup a dang po inlang thei dīng design a nih baw leiin a nene bal an lang baw a, ngaituo sei a ngai tah nawh. A piengzie indiktak chu hmu tlang thei wawng a nih.



Tienlaia Adam le Evi'n Eden huona Theichang hna thui mata puonbil le zakuo an inasim laia an siem inawmtak, taksa rāwng rāngkachak le sir ser anga cheimawi zakuo-puonbil danglam tak hin South America a tribal hnamhai pathiennu khawm a hawi hiel a. A sam dum thlap nam panga khui le, a hmēl hlim saia innui saiin, lipstick sen lo, taksa rāwng suklar (nude lipstick/pink gloss) leh, a hmēl a t hain en a hādām hle. 'Enchimlo' an tihai ang hi a nih.

"Modern Family" a Ariel a co-star hai chu Sofia Vergara, Ty Burrell, Nolan Gould, Eric Stonestreet, Jesse Tyler Ferguson le Julie Bowen hai an nih.

Melania Trump inchei dānin mi a hip

NEW YORK: US First Lady, President Trump nuhmei Ms Melania Trump chun an pa Donald Trump le Australian Prime Minister Malcolm Turnbull inbiek le bu fakna dīngah a zui a. An cheidan nak tak chun mi po po mit a lak tak a, an pahai inbiekna thu nēkin hril a hlāw lem.



sipaihai World War II laia an dona Battle of Coral Sea kum 75 dīngna le inzawm a nih.

Melania chun 'thuiilo zakuo' ei ti ang deuh, a dar wawitieng chauva inkhai, silk puon nem, "lemon yellow" (a eng) (Christian Dior gown) inphan dar el a hak a. A taksa a nina ang charin a tuoma a pieng nalie an lang thei wawng a, a la nunghakin a la nal hle.

An bufakna hi Hudson River chungā aircraft carrier hlui USS Intrepid sūnga Intrepid Sea Air and Space Museum ah a nih a. US le Australia sipai han Japan

tak bawk. Chinese President Xi Jinping inzin tum kha "red square-neck Valentino dress" a hak a. German Chancellor Angela Merkel inzin tumin Alice Roi design 'coatdress' a hak bawk a.

April khan Jordan Queen Rania le an inhmū tumin Herve Pierre design 'emerald green belted' a hak nāwk a. February-a 60th Annual Red Cross Gala, Mar-a-Lago a khan Christian Dior design 'berry pink' a hak a. January thlaa an pa laklut lai khan American Army hai uniform hlui ring insāng pa tak Navy Blue a hak a. An chei danhaia hin ransa a inthawka siem incheinai hak nuom ta nawzie a tarlang pei a nih. Sahmlua siem thumhnaw (fur) chu ransa chungā nunrāwng lo ding ti entina dingin a hak nuom ta naw niin a wardrobe enkawltu chun a hril.

Ni kum kha an album pathumna "25" chu khawvēla album zawr hrāt tak record a break bawk a. Album 20 million copies a zawr suok leiin Britain nuhmei hlasakthiem hausatak a kai pha a nih. A album promote-na dīngā an zin tum kha US ah, ticket 750, 000 zawr ding umah mi million 10 ticket inchaw nuom an up a nih.

Adele hi kum 29 a ni taa chu nau pakhat chauh, Angelo (4) a nei a. Tuhin London khaw puotieng deuh, tlangam ang deuh (rural area) lai huon lien deua In inchawin an khawsa mek a nih. A pasal khawm tlang hrietin tuta hma kha a puonga chu an um kawp le um kawp naw thu iengkhawm a hril nawh.

ENGLISH PREMIER LEAGUE SUPER SUNDAY PREVIEW: Liverpool le Southampton intuok zana Arsenal le Manchester United inbei ve thung an tih

Vawizan hin English Premier League Super Sunday inkhel pahni um a ta. Inkhel hmasa lemah Liverpool chun Inform Southampton lo mikhuol an tih. Tuta season fe meka hin Liverpool hin Southampton lakah goal an la thun nawh a, November thla khan Premier League-ah 0-0 in an in-ang taw a. Chu hnungah EFL Cup Semi Final-ah 1-0 in an hrat naw ta bawk. Chulei chun wawizan hin hne ngei an tum ring a um.

Chun Liverpool hi Jürgen Klop-in a enkawla inthawkhaw Premier League-ah ARSENAL wawithum an inhmū ta a, wawikhat khawm an la hrat nawh. Vawihni an in ang taw a, wawikhat an hratnaw lem a nih. September 2012-a inthawka tiem tain Liverpool hin wawizan an khelmuola ngei a zawnā an hratnaw zan khawm a ni el thei bawk. Anachu mak ve tak el chu Liverpool hin tuta season sung hin Premier League inkhelah min-



ute 15 hmain goal 16 tawp an thun ta a, hieng ang record nei hi club dang an um nawh.

Southampton hai khawm Premier League away game nunng panga laiah wawithum char an hrat a, ngaituo um tak chu ni ve tho an tih. Inkhel pahnhina Arsenal chun Manchester United lo mikhuol veng an tih. Anni hi Premier League-ah top 4 an tlungna ding chun hrat ngei ngei ngai ve an ni a, Champions League-a inkhel phak beisei ve ve an ni bawk. United ruok chu top 4 an lo tlung naw pal khawma Europa League

chester United hin season tin deathaw'n top 4 an tlung zie a, top 4 an kai naw nunng tak chu kum 1978 dei kha an tah. Kha kum kha Arsenal pasarina an ni a, United pakouana an ni ve thung. Manchester United hai hi tuta season sung hin draw wavi 14 an nei ta a, wawizan Arsenal leh an in-draw nawk chun wavi 15 ni tang a ta, kum 1991-a inthawkhaw draw an hau in-draw tak ning a tih. Jose Mourinho-in United a enkawla inthawkhaw wawikhat khawm Arsenal lakah a la tlawm ngai nawh a, wavi 12 an intuoknaah wavi 7 a hrat lem a, a dang po an in-draw a nih. United player Wayne Rooney chun Arsenal lakah Premier League goal wavi 11 a thun ta a, ama neka thun rawn lem an la um nawh.

Tuhin Ugei hin point 65 neini pangana an ni mek a, Arsenal ruok chun point 60 neini parukna an ni mek ve thung.

AIFF Academy hai final lut



Zohnatlak player tamtak umna AIFF Academy chun I League Under 18 final lutna dingin zirtawpni khan United Sports Club hai chu penalty shootout-ah 13-12 in an hne. Kolkata khawpua inelna neina hin East Bengal hai chu Salgaocar 3-2 a hnein final an lut ve thung. I League U18 final hi May 7, Pathienni khin Baratat Stadium-ah inkhel ning a tih.

AIFF Academy-ah hin Mizoram inthawkhaw paruk hieng, Edmund Lalrindika, Lalengzama Vangchhia, Zonunmawia, Lalliansanga Renthlei, B. Lalnuantlunga le Lalengmawia hai chun inkhel bul an tan wawng a, bench-ah zohnatlak pahni an um bawk. Champion lai AIFF Academy hai hin hun pangangaih goal an thun thei naw a, penalty shootout-ah United Sports Club hai hi 13-12 in an hneban a nih.

Semifinal hnungung lemah East Bengal ta dingin Bidyashagar Singh-in goal (14') hmathuoitu a thun hnungah Telem Suranjit Singh-in goal hni (43', 61') thun nawkin, Salgaocar ta dingin Andrus John (80') le Liston Colaco (86') haiin goal thun ve hai sien khawm inkhel result a sukdanglam phak hri naw a nih.

FIFA Congress-ah Hmar

Khawvel huopa football thuneitu insang tak FIFA Congress, Bahrain khawpui-a nei ding le inzawmin MFA honorary secretary Lalnginglova Hmar chun zirtawpni khan Aizawl alo suoksan tah. Bahrain khawpui Manama-a FIFA inkhawmpui lienah hin All India Football Federation president Praful Patel le general secretary Kushal Das hai chu an nina le inzawma thang dinga riruongsa an ni a, Lalngiloa Hmar ruok hi chu India aiaw dinga ruot a ni ve thung. I n dia palai hai hin wawisun May 7 hin Manama hi tlung an ta, May 8 khin Asian Football Confederation Congress hman phawtin May 11 khin FIFA Congress hi hmang an tih.

FOOTBALL FIXTURE Sunday, 7 May 2017	
Premier League	18:00 Liverpool Vs Southampton
	20:30 Arsenal Vs Manchester United
Primera División	00:15 Granada Vs Real Madrid
	15:30 Deportivo Alavés Vs Bilbao
	19:45 Valencia Vs Osasuna
	22:00 Deportivo La Coruña Vs Espanyol
Bundesliga	19:00 Hamburger Vs Mainz 05
	21:00 Freiburg Vs Schalke 04

14th HMAR MARTYRS' TROPHY :

FC Ridil le HYA Imphal in hratna an chang

CCPUR: May 6, 2017 zantieng dar 2:30PM a Saikot Playground, CCPur a The 14th Manipur State Level Hmar Martyrs' Trophy Football Tournament 2017 a Pre-Quarter Final inkhelna a chun FC Ridil-in an khingpui Zeal SC chu full-time-ah 3-0 in an hneban. 1st Half ah 1-0 in FC Ridil in hma an thui a, 2nd Half a chun goal 2 thuna nawkin 3-0 in an hneban tah a nih. FC Ridil ta dīngā goal thuntu hai chu Sangkar (03'), Deepak (48') Deepak (54') hai an nih. Knockout a ni ta bawk

lein inkhel khawm a entu mipui le player hai thāng a na hle. FC Ridil tieng 3 in Yellow Card an hmu a, Zeal SC tieng khawm 2 in an hmu bawk.

Hi ni a Pre-Quarter Final inkhelna hmasa lem 1:00PM a chun HYA, Imphal le Thenmuol FC in an inkhel a, full-time in 1-1 in an draw a. Penalty ah HYA Imphal chun an khingpui Thenmuol FC chu 3-2 in an hne tah a nih. Pet pangngaia goal thuntu hai chu HYA, Imphal ta dingin Sana (11') le Thenmuol FC ta dingin Lalfellien (40') an nih.



14th Hmar Martyrs' Trophy Fixture
08-05-2017 | MONDAY
1:00 p.m | United Khawzim Brothers vs FAST-B
2:30 p.m | Lenlai Club vs Leisen FC

FIFA President in Aizawl FC lawmpuina thu a hung thawn



AIZAWL: FIFA President Gianni Infantino chun tulai hnai ela I-League Champion Aizawl FC chu a lawmpui thu a hung thawn. A lawmpuina thu hi AIFF President Praful Patel fethlenga a hung thawn a ni a, chu taka

chun Aizawl FC a wawikhatna dīngā India Champion 2016/2017 an hung ni thei chu lawmum a ti thu hrilin, AFC thaw inrimn le inpumpekna ra a ni bakah Aizawl FC sūngkuo tumruna a nih tiin a hril. Chun, Aizawl FC bakah AIFF in Football suk hmasawna dīngā hma a lakna thauh lawmthu a hril bawk.

Aizawl FC chun Federation Cup-ah wawisun hin Chennai City FC an inkhelpui ding a ni a, hi le inzawm hin AFC players hai chu Cuttack, Odisha hmunā an in camp mek a nih.

AFC President Robert Romawia Royte chun, I-League le ISL merger ding leia Champion title hum thei lo ding anga hrilna um meu neu thua chun, mi chin tak hai tawngtaina dawntu Pathien, AFC kum 2 sung chauh hieng chen thuoitlungtu chun a ensan a ringnaw thu a hril.